



## Lettres Patentes

DV ROY, PORTANT  
reuocation de ses lettres de Declaration,  
 pour la leuee de cinquante sols pour  
 boisseau de Sel mesure de Broüage, es-  
 dites Isles de Broüage, Xaintonge,  
 Marans, Poitou, Ré, Oleron, & autres  
 lieux.

6 fev. 1623

*Verifiees le treZiesme Feurier 1623.*



A PARIS,

Par FED. MOREL, & P. METTAYER,  
 Imprimeurs ordinaires du Roy.

M. DCXXIII.

*Avec Priuilege de sa Majesté.*

Case


F

39

1326

1623 fm

THE NEWBERRY  
LIBRARY



LETTRES PATENTES DV ROY,  
 portant renouacion de ses lettres de Declaration,  
 pour la leuee de cinquante sols pour boisseau de Sel  
 mesure de Broüage, esdites Isles de Broüage, Xain-  
 tonge, Marans, Poitou, Ré, Oleron, & autres  
 lieux.



NOVIS par la grace de  
 Dieu, Roy de France &  
 de Nauarre, A nos amez  
 & feaux Conseillers, les  
 gens tenans nostre Cour  
 de Parlement à Paris, Salut. Ayans  
 en l'annee derniere iugé necessaire  
 de mettre des grandes forces sur mer,  
 tant pour la seureté du commerce  
 que pour autre consideration tres-  
 importante au bien de nostre serui-  
 ce, & de tenir lesdites forces le long  
 des costes de nos Prouinces de Poi-  
 tou, Aulnis, Xaintonge, & Isles ad-

A ij

jacentes: Et considerans que si nous estions obligez d'entretenir longuement toutes lesdites forces, il estoit hors de nostre pouuoir d'y subuenir, qu'avec vn grand & extraordinaire secours: Nous aurions arresté de mettre vne imposition de cinquante sols pour boissel de Sel, mesure de Broüage, pour auoir lieu autant de temps que la guerre dureroit: Mais Dieu nous ayant faict la grace d'auoir donné la Paix à tous nos subjets, & pourueu iusques à maintenant sans le secours de ladite imposition au payement desdites forces maritimes, Nous ne voulons permettre qu'elle ayt lieu & soit establie: A ces causes, Nous auons par ces presentes signees de nostre main, reuoqué & reuoquons nos lettres de Declaration du mois de Iuillet dernier, contenant ladite imposition de cin-



quante sols pour boisseau de Sel mesure de Broüage : Ensemble toutes Commissions decernees pour l'establissement de ladite imposition : faisant defenses à toutes personnes de quelque qualité & condition qu'elles soient, de leuer ny exhiber esdites Isles de Broüage, Xaintonge, Marans, Poitou, Ré, Oleron, & autres lieux, autres plus grands droicts que ceux qui se sont leuez auparauant les derniers mouuemens, aux peines portees par nos Ordonnances ou plus grande peine s'il y eschet. Enjoignons à tous Fermiers desdits droicts, & à nos Receueurs & Commis de n'en continuer la leuee : Mandons à tous Gouverneurs & Lieutenans generaux en nosdites Prouinces, Capitaines des Villes & places, & autres nos Officiers, Iurats, Maires & Escheuins de Villes, tenir la main à

l'exécution des presentes , y prester confort & ayde si besoin est & requis en font , à peine d'en respondre en leur propre & priué nom. Et à ce qu'aucun ne pretende cause d'ignorance du contenu en celsdites presentes, Nous voulons qu'à la diligence de nostre Procureur general, ses Substituts és Iurisdicions ordinaires de nosdites Prouinces, facent chacun en l'estendue de sa charge, lire & publier celsdites presentes, és Ports & Haures de nosdites Prouinces, dans le plus bref temps que faire se pourra: Car tel est nostre plaisir.

D O N N E' à Paris le sixiesme iour de Feurier, l'an de grace mil six cens vingt-trois. Et de nostre regne le trezieme.

Signé, LOVIS.  
Et plus bas, Par le Roy,  
DE LOMENIE.

Et sceellees du grand seau de cire  
iaune sur simple queue.

Leües, publiees & registrees, Ouy & ce  
requerant le Procureur general pour estre  
executees selon leur forme & teneur, &  
copies d'icelles collationnees, enuoyees aux  
Bailliages & Seneschauſſees des Isles &  
Prouinces de Broüage, Xaintonge, Ma-  
rans, Poitou, Ré & Oleron, pour y estre  
pareillement leües, publiees, registrees &  
executees à la diligence des Substituts dudit  
Procureur general, ausquels enioint d'y te-  
nir la main, & certifier la Cour auoir ce  
faict au mois. A Paris en Parlement le  
treZiesme Feurier mix six cens vingt-trois.

Signé,

GALLARD.



